

Умрин дөрөж за ал1уз!

Табасарандин сөс



Табасаран райондин
жамяа тлугъдинна - политикийн газат



Голос
Табасарана

№ 48 (1142) Жвуми, 24-пи ноябрь, 2023-пи йис (2001-пи йисан 5-пи майданмина удубч1вура)

Тебрик ал1уб

Дадайн Йигъахъди!

Ихъ улкейиъ гъарисан ноябрин ахиримжи элгъет йигъян дадайн Иигъ къайд ал1уру. Думу Иигъ таяин ал1бан гъякънаан РФ-ийн Президентди 1998-пи йисан указ адабгънийи. Гъаци, дадайн Иигъ ихъ улкейиъ гъамус 24-пи ражари къайд ал1ура. Думу Иигъ къайд ал1бан метлеб баб - дишагълиирихъна, гъацира баб хъуз ккимбу дишагълиирихъна, ай гъюмат улупбан альдатар давам, хизандин бина мюгъкам, инсандин умур турайи бабан эгъемият къайд ал1уб ву. Дишагълиирихън роль жамяа тлугъдьи, гъадму гъисабнаан ихъ райондьра, ахюб ву. Райондин вари дишагълиирихън дадайн Иигъахъди тебрик, варилиз хизандин шадвал, сагъвал, ужувлар ва к1ул'ин ислэгъ зав ккун ал1ураза.

«Табасаран район»
МР-ин Глава
М. С. КЪУРБАНОВ.

Цци ноябрин 21-пи «Табасаран район» МР-ин администрацийин актовый залын райондин депутатарин Собранийин нубатнан сумч1урна сабпи заседание гъабхъну. Заседанийиъ райондин Собранийин депутатар тарт1ан савайи, «Табасаран район» МР-ин Глава Мягъамед Къурбанов, райондин прокурорин вазифийр вахтназ тамам ал1урайи Роберт Имамов иштирак гъахъну.

Райондин депутатарин Собранийин нубатнан заседание Собранийин председатель Иса Исаевди ачмиш гъап1ну ва к1ули гъубхну.

Заседанийин йигъандин повесткайиъ 7 месэла айи.

Сабпи месэла - «Дагъустан Республикийн «Табасаран район» муниципалин образованиеин Уставдь альава ал1бар ва дигиш'валар т1аъбан гъякънаан».

Шубупи месэла - «Дагъустан Республикийн «Табасаран район» МР-ин депутатарин Собранийин 2022-пи йисан 22-пи декабря 112-пи нумрайиккди адабгъту «РД-ийн «Табасаран

район» МР-ин 2023-пи йисаз ва пландииндиги улупнайи 2024-2025-пи йисариз бюджетдин гъякънаан» къаарий дигиш'валар т1аъбан гъякънаан».

Кьюбпи месэла - «Дагъустан Республикийн «Табасаран район» МР-ин депутатарин Собранийин 2022-пи йисан 22-пи декабря 112-пи нумрайиккди адабгъту «РД-ийн «Табасаран

басаран район» МР-ин депутатарин Собранийи 2016-пи йисан 3-пи ноябрь 268-пи нумрайиккди адабгъу Къарариинди тасдикь дап1найи «Дагъустан Республикийн «Табасаран район» муниципалин райондин Главайнин кандидатурий гъядягъбан конкурс гъабхъбан къайдайн гъякънаан Положениеий дигиш'валар ва альава

(Ахир 2-пи машина.)

Райондин депутатарин Собранийин нубатнан заседание гъабхъну



Шаирин 75 йис хъпаз бахш вуди



Цци Ноябрин 21-ди ихъ райондин культурайин Хулья табасаран шаир ва дра-

матург Юсуф Минатуллаевич Базутаевдин 75 йис хъпаз бахш вуйи серенжем

к1ули гъубшнийи. Серенжем ккебгъайиз, душваз (Давам 2-пи машина.)

Т1умт1арин заан бегъер уч гъап1ну

Урусатдин регионарин арайиль т1умт1ар гъясил ал1баан Дагъустан Республика улхъан жергийрий а. Республикийн гъарисан т1умт1арин заан бегъер уч ал1ура, т1умт1арин ц1ийи багъар итра.

Магъа гъаму йисанда республикийн т1умт1чийри т1умт1ин багълариз ужуб хъайивал ал1уб душвариан уч гъап1у бегъери субут ал1ура. Улихъна Иигъари республикийн гъаму йисан уч гъап1у т1умт1арин натижийр гъивнүү. Республикийн 282,7 агъзур тонн т1умт1ар уч ал1уб гъисаб гъабхъну. Думу улупуб ккудубшу йисант1ан 5 процент, яни 14 агъзур тонн артухъди ву.

Му месэлайн гъякънаан Дагъустан Республикийн Гюкуматдин Председатель Альбадулмуслим Альбадулмуслимови гъамци гъап1ну: «Ахиримжи йисари республикийн т1умт1чивалини циркллиз асас фикир тува.

СМИ-ийан.

**Мягъямед
Къурбанов
Палестинайиз
жумартвалин гъагъ
хъадап1бай
иштирак гъахыну**

Ноябрин 18-ди «Табасаран район» МР-ин Глава Мягъямед Къурбанов Да-гъустандиан Палестина-из 100 тонн жумартвалин гъагъ хъадап1бай иштирак гъахыну. Думу кюмекнан гъагъ уч ап1бай вары респу-блика иштирак гъабхыну.

Ноябрин 19-ди Газа сек-ториз 30 тонн жумартвалин гъагъ МЧС-дин самолет-дихди хътап1ну.

Дагъустандин Глава Сер-гей Меликовдин табшуругъ-ниинди Избербаш шагърий айи РД-ийн МЧС-дин обь-ектдиж жумартвалин гъагъ хъадап1бахыд аялакъалуди гъабхы серенжемдий РД-ийн Гюкуматдин Предсе-датель Абдулмуслим Аб-дулмуслинов, шагъарин ва районарин главирик иштирак гъахыну.

Мягъямед Къурбанов-ди гъамци гъапну: «Па-лестинайин халкъ гъам-циб агъвалатди ахъували республикайыси, Табасаран райондира сар касра виж-насуди гъитундар. Дицис-дар дюшюшары шлу кю-мек ап1увал сабпи ишиш`ин дубхыну ккунду».

**Гъязур гъап1ур
У. КЪУРБАНОВА.**

**Райондин
депутатарин
Собранийин
нубатнан
заседание
гъабхыну**

(Эвел 1-пи машина.)
ап1бар т1аъбан гъякънаан.
Мялumat райадминистра-цияйин аппаратдин руково-дителин вазифийр вахтназ тамам ап1урайи Имран Мягъмудовди тувний.

Хъубпи месэла - Да-гъу-стан Республикийн «Таба-саран район» муниципалин райондин депутатарин Соб-ранийи 2020-пи йисан 2-пи октэбрий 06-пи нумрайиккди адабгъу Къарапихына при-ложениейиль дигиш`валар т1аъбан гъякънаан». Мялumat райондин Собранийин председатель Иса Исаевди тувний.

Иирхъубпи месэла - Да-гъу-стан Республикийн «Табасаран район» МР-ин Главайиз ва муниципалин райондин депутатарин Соб-ранийин Председателиз премия тубан Положение тасдик ап1бан гъякънаан. Мялumat райадминистра-цияйин юридический отделин начальник Расим Абдулсе-линовди тувний.

Ургубпи месэла - жюрбе-жюр.

Заседаниейиль гъял гъап1у месэлайириан тялукъ къара-пар къабул гъап1ний.

**И. ЯРЯЛИЕВ,
газатдин к1улин
редактор.**

(Эвел 1-пи машина.)
уч духънайидари Къалухъ Мирзайин памятникдихъ кюкир дивний. Серен-жемдиз «Табасаран район» МР-ин Глава Мягъямед Къурбанов, администра-цияин саб жерге работника, Да-гъустандин писателарин Союздин, РГВК-ийн вакилар, шаирар, Юсуфдин багъри инсанар, райондин саб жерге мектебары ур-хурайидар чини млямира-рихъди ва поэзияйин юк1в или агъалайир уч духънайи. Серенжем к1ули гъабхура-ийдар РД-ийн писателарин Союздин табасаран секци-яйин секретарь, «Дагъу-стан дишагъли» журналин редактор, шаир Сувайнат Кюребегова ва РГВК-ийн табасаран ч1алнан переда-чайин редактор Мягъямед



сатель Шагъельед Шагъмар-дановди чипи душваъ таниш хъуваликан, дидин къяляхъ шаирин хъуркъуваликан, юлдшарихына вуйи гъюр-матлуваликан гъапний. Шаирар вуйи Абдулма-

халкъдин машгъур шаир, вахтсузди уъмиран гъушу Юсуф Минатуллаевич Ба-зутаева.

Юсуф Базутаев бабкан духъну цци сентябрин 10-ди 75 йис тамам гъабхъ-ну. Ихъ райондин Т1и-вак гъулаъ гъуллугъчийин хизандиъ бабкан гъахы Юсуфди, мектебдиз гъягъ-ру яш гъабхыиган, сифте багъри гъулан бегъем дару къялан мектебдиль, хъасин Хючнаарин къя-лан мектебдиль гъурхну. Садпи шиърар мугъу мектебдиль урхурайи вахтна дик1уз хъюгъну. Чан шиъ-рихъди «Табасарандин нурар» газатдин редакци-яйиз илт1ик1ури, жигъил шаир чан яратмиш`валин рякъ хъана яркъу ап1уз хъюгъну.



Гъосейнов вуйи.

Серенжем ачмиш ап1ури, Сувайнат Кюребеговай и ва Мягъямед Гъосейновди машгъур шаир Юсуф Базу-таевдин уъмиран, инсан-валикан, яратмиш ап1ари-кан, Ватандихына, багъри юрдарихына ккуниваликан, серенжем тешкил ап1уз кюмек туви райондин адми-нистрацияйиз, культурайин отелиз, мектебарин руково-дителарииз, поэзияйин юк1в или вары уч духънай-идариз чухсагъул гъапний.

Хъасин гаф Мя-гъямед Къурбанов-ди тувний, дугъу гъапний: «Юсуф Базутаевдин ярат-миш ап1бари ихъ ли-тературайи ахъю ишиш бису-ра. Багъри ч1ал уъбхан, жигъил наслиз багъри халкъдин шаира-рикан, дурарин яратмиш`валикан артухъси ахъю ап1бан бадали, уху гъамцдар серенже-мар к1ули гъахуб ужу ву. Гележег-дий мугъан багъри Т1ивак гъулаъра гъамциб серенжем к1ули гъабхуз чалашмиш хъидихъя». Серенжем давам ап1ури, Юсуф Базутаев-ди Москва шагърий Максим Горькийин чвурнахъ хъайи Литературный институтдин урхури гъахы Дагъустандин халкъдин пи-



валин рякъю гъазанмиш гъап1у хъуркъуваликан, шаирарин вуйи фикрар да-ма вуйидар шлуваликан, ихъ халкъдин поэзия артмиш ап1бак ахъю пай кивува-ликан, наслариз ахъю ирс гъйтбакан гъапний.

райондин Гимназияйи ур-хурайи баяр-шубари ша-риин яратмиш ап1бариан шиърар гъурхний, рай-ондин культурайин Хулан пишекрар Арсен Асланов-ди, Рустам Рамазановди шаирин гафариз мяльийир гъап1ний. Серенжем ма-рагълуди к1ули гъубшний.

Аххирин серенжем к1ули гъабхурайи Сувайнат Кю-ребеговай и ва Мягъямед Гъосейновди Мягъямед Къурбанов к1ули ади вар-

Юсуф Базутаевди чан садпи шиърар «Табасарандин нурар» газат-дин машариъ, «Дагъустан дишагъли» журнализъ, «Литературайн Табаса-ран» альманахдиль, «Та-зар», «Чирагъ» гъварчары чап гъап1ну. Хъа мугъан шиърарин сабпи китаб («Хъадукран мархъ») 1976 – пи йисан Мягъячъгъалийин чапханайиль чапдиан удубч1ну. Дидхъан мина Юсуф Базутаевдин саб-швнубсана ки-таб удуч1ну. Мектебдин хрестоматия-иъра мугъан хайли шиърар чап дап1на.

Шаирвалин рякъ хъана яркъу ва дерин ап1уб метлеб вуди, Юсуф Базутаев 1980-пи йисан Москвойи Максим Горькийин чвурнахъ хъайи Литера-турайн инсти-тутдин урхуз уч1ну. Дидин къяляхъ мугъан яратмиш`валин рякъ, гъелбетда, хъана яркъу гъабхыну. «Узура малайик дарза», «Умрин геренар», «Юк1в либхура», «Байвахтнан сюгърин жилгъя», «Йиз дуст гвач1нин», «Сикин-сувал», «Мюгъюббатдин (Аххир 6-пи машина.)

Къаби хъайизкъан дадайнин ккунивали ухъу урхюру

Дада! Му гаф варит1ан ширинді ебхыру, варидиз бағалу гаф ву. Фунур биц1ирира сабпі ражну дубгъру гаф дада ву. Дада к1уру гаф ухъу гъаригъан ар1у гафарин арайіл варит1ан гизаф тектар шлу гафариканра саб вуди гъисаб шула. Дадайиз чан веледт1ан ширинуб фук1а адар. Суткайн фуну муддатна вушра, дадайнин фикрар ухъкан шула, дугъан дюйири ухъу урхюру, ухъу фициб тахсир гъап1ишра, дугъу ухълан хил алдабгъуру, саб гафниинди, дадайнин ккунивали, гирамвали, ужувлу ухъу къаби хъайизкъан урхюру.

Дадайнин йигъаз бахш вуйи машквар вариди к1ваъ ахю шадвал ади, чин дадайрихъна гъюматлуди янашмиш шули къайд дап1ну ккуни машквариран саб вуди гъисаб ар1ураза. Ихъ дадайр гъаригъан мициб машквраз лайикълудар ву. Ухъуз дадайр жилини али варит1ан ужудар дишагълийир вухъуз. Дадайиси ухъхъан юк1в угбру кас дюн`яйіл адар. Дугъан мани хилари, гъаммишан аылхъру машну, уччуу гафну ихъ дерди гъял, к1ван зийнар сагъ ар1ураза. Дада - му гафну ихъ уымрий асас ишиш бисура. Биц1иди имиди, ухъу дадайлар аслиу вухъа, хъа ахю гъахъиган, дугъкан ухъуз ужудар насиғъятар туубу ккуни ар1ураза. Саб гафниинди, веледдинна дадайнин чиб-чиҳыди вуйи аылакъа, ккунивал йик1айизкъан дургрудар дар. Гъацдар дирбаш, ижми юк1в айидар ву ихъ дадайр.

Хъа Ватан убхювалин пише ктабгъу веледдин дадайнин юк1в фици шул? Дурариз сикинвал, архайнвал фтий, наан бихъура? Спецоперацияйіл айи баяриз дурары фициб насиғъятар тува?

Улихъна йигъари, яни дадайнин Йигъаз бахш вуйи машквран гъаншариъ, «Игит-баб» ччвурай, Украинашын к1ули гъябгъюрайи спецоперацияйин иштиракчынын дада Жарият Керимовайхъди гюрюшмиш гъахъунза.

Жарият Керимова ихъ райондин Хархни гъуль Ватандин Ахю дядвин иштиракчынын хизандыз бабкан гъахъунза. Мураг юк1ур гъардашна кью чи вуйи. Ватандин Ахю дядвин йисарин читинвалариан, ву думагандын чиркин узрариан хайлин биц1идар кечмиш гъахъний, гъаци Жариятдин ахъону кью гъардашра думу йисари кечмиш гъахъунза.

Хархнаарин ккөргъбан классарин мектебділ 4-пи класс заан аыгъювалариинди ккудубк1у Жарият, урхувал давам дара1иди, дадайиз хулан ляхнариз кюмек ар1ури, хулаш гъузний. Яшартамам гъахъиган, чин гъулажви Аллагъвердийхъди



чан хал-хизан ккебгъний. Аллагъвердира Ватандин Ахю дядвин иштиракчынын варит1ан биц1ину бай вуйи. Дугъаз мирижир чвир-чир айи. Дядвин читин йисари жигрииридан дугъан ургур чвена чи кечмиш гъахъний.

Аллагъверди млялим, хъа Жарият халаачаи вуйи. Дурары чин зегъметниинди хал-ийиш тикиши дап1ну, ахю хизан тешкил гъап1ну. Сарихъди-сар ииц1и-сар велед дюн`яйіл гъахъну, варидиз заан ва къялан пиш-карвалин образование тувну. Чан хизандин уымрикан ич гюрюшмишди Жарият Керимовай гъамци гъап1ний:

-Ав, дядвин къяляхъна фукъан вушра читин йисар вуйи. Читинвалариз дилигди, инсанари гъарури чипхъ хъайи ляхин намуслуди тамам ар1уи, чиб-чинин арайіл ахю гъюрат айи. Малкъара гизаф убхюйи, тахил гъясыл ар1уи. Ич Хархни гъуль биц1иб ву к1ури, кевшан ахъоб хъайиб ву. Учуз малар-чарвайт1ан савайи, гамшарра айчуз. Тягъярин яшарин шуру, узу, гамшарикан никк ккудубзури шуйза. Ич дадакъарин гамшари узут1ан чипи ккудузуз гъитурдай.

Жилир Хючназ ляхноз гъафиган, Цалак мягъялиш ц1ийи хулар тикиши дап1ну, мушшын яшамиш шули, хайлин йисар вуйич. Учуз айи вары биц1идариз заан ва къялан образование тувунча, гъи дурар гъарур чин хизандын яшамиш шула. Гъайифки, ииз ахъону бай вахтсузди умриан гъушнү.

Гъийин деврикан улхуруш, агъалийирин дуланажагъдиз харжи девир дар, иллагъки жигъиль дадайриз. Дурариз гъи вары рягъятвалар, яшайишидь шараитар яратмиш дап1на. Хъа, гъамусаятна дюн`яйіл гъябгъюрайи дядвин гъяракатари, улкъириң арайіл айи наразивалари агъалийирин к1ваз архайнвал турадар.

Магъа Украинашын спецоперация к1ули гъябгъюри кьюдпі йис ву. Думу спецоперацияйіл ахъ улкейин эскрари гъунарап улупура. Ихъ райондианра хайлин бајари душшын гъуллугъ ар1ура, гъадму гъисабнаан ииз бали-

ра. Дурары нацистарихъан улкек марцц ар1узы чипхъан шлуб вары ар1ура. Дурариз сабур тууб Аллагъидикан ккун ар1ураза. Дурариз гъамци насиғъят тувраза: «Жигъилар, к1ул`ина ужуб йигъра, хархибра гъюру. Варидиз гъязур дуихъун ккунду. Ихъ гележег бадали зегъмет зигурачва. Учвуз мюгълет ккабхъубси, дадайиз зенг ар1узы т1агъру ма-п1анай. Дурар учвуз, учвкан вуйи хабариз гъаммишан кклигурда. Дадайрин дюйири уччу урхиди...»

Йиз биц1инур бай Мягъямед армияйин жергіриз чан ватандаш` валин гъуллугъ та-тамам ар1узы гъушнү. Гъуллугънан вахт ккудубк1иган, контракт бик1уз ккундузуз к1ури, узхъан гъерхнү. Ихтияр тувундайза. Гъуллугънан вахт ккудубк1ур, думу гъулаш къяляхъ гъафнү. Ц1иб вахтналан, хъана душнү, контракт гъиби-к1ний. «Узуз ииз умур военный ляхноз бахш ар1узы ккундузуз, дада», - гъап1ний дугъу узуз. Гъаци, дугъу 2008-пи йисхъанмина Чечняйіл, Каспийский иль айи военный частары гъуллугъ ар1ури гъахъну. Гъамус дугъу Мягъячъалайи Росгвардияйи гъуллугъ ар1ури. Украинашын спецоперация ккебгъхъанмина Мягъямед, кьюб ражари думу спецоперацияйин гъяракатариз душнү, къяляхъ гъафнү. Нубатнан ражнора гъягъюз гъязурди а. Узу дугъаз гъамци гъап1нийза: «Я, жан бай, узу душшын гъушнү, ииз юк1в архайнди шулдариз, ахъир. Дурариз гъулаш шулдарин?». Дугъу гъамци гъап1ний: «Дада, Ватан дюбхуну ккунду, ихъ Ватан ухъу дюрбихи, думу шли убхиди?». Дугъу дици гъап1иган, начара гъабхнү. Ав, ихъ Ватан гележегдин наслариз убхюй дурарин буржын вуйибин гъаври аза, хъа, ц1иби вушра, дадайн к1вайи али зийнинра гъаври дуихъун ккунду, ахъир. Дядвин гъяракатары бай айи дадайнин юк1в саб вахтнара архайнди шулдар. Хъа, гъаци вушра, спецоперацияйіл айиган, дугъан телефондин зенгнү, «Узуз ужкий вуза, вары ужкий



ву» к1уру дугъан гафари, дадайнин юк1в сикин, архайн ар1ура.

Улихъна йигъари ииз бали гъуллугъ ар1урайи частнан командованиеиихъан дугъу ужкий гъуллугъ ар1ура к1ури, узу Чухсагъулин кагъаз гъафнү. Гизаф шад гъахъний. Акъюллу, ватандиз вафалу, чин хизандин гъайгъушнай айи, дада гизаф ккуни, дадайиз гъюрат ар1ури бай хъайи гъарсар дада бахтлу кас вуди гъисаб ар1ураза. Узура бахтлу дадайрин жергейиан вуза, фици гъап1иш ииз веледарин, хтуларин, гудларин терефнаан анжак ужувлан гафарт1ан ерхъурдализ, хъа дурары узуз ар1ури гъюрат...

Ав, Жарият Керимова ахъю ва албагу хизандин эйси ву. Мугъан жилир Аллагъверди Аллагъидикан рягъматдиз душнү хайлин йисар ву. Ахю хизандин гъайгъушнай азда Жарият Керимовай к1улиза адағыра.

Телефондихъан Мягъямед дихъдира Украинашын к1ули гъябгъюрайи спецоперацияйикан, чан гъуллугънан гафар-ч1алар гъап1нийза.

Мугъу думу спецоперацияйи ииз эскрари улупурайи гъунарикан, военный духтари ва медсестриири зийнр гъахъи эскрариз ар1ури кюмекнан хайлин ктибтний. Чахъди хъайи ихъ ватандашари заан дережайи гъуллугъ ар1урайвалра мугъу къайд гъап1ний.

Мягъямед Аллагъвердиевич Керимовди гъуллугъ ар1урайи частнан командованиеиихъан «Табасааран район» МР-ин Глава Мягъямед Къурбановдизра Чухсагъулин кагъаз гъафнү. Диқик гъамци диқ1иң: «Гъюратту Мягъямед Сирајутдинович, полкнан командованиеиин терефнаан ич полкнан гъуллугъ ар1урайи, Украинашын к1ули гъябгъюрайи спецоперацияйин иштиракчи, ич ватанагъылы, старший сержант Мягъямед Аллагъвердиевич Керимов-сир бай тербияламиш ва военный гъуллугъназ гъязур ар1баз учвуз ахъю Чухсагъулин кагъаз гъафнү. Гъамусаятна думу, хилиш яракъ дыбыснү, Украинашын ислэгээн саб вахтнара архайнди шулдар. Хъа, гъаци вушра, спецоперацияйіл айиган, дугъан телефондин зенгнү, «Узуз ужкий вуза, вары ужкий

ц1идар, яшлуйир ва Ватандин Ахю дядвин иштиракчыр бандерарин нацистарихъан урхбай иштирак шула. Алахъурайи читинвалариз дилигди, Мягъямедди Ватан, хизан, багъридар бадали чан вазифири лайкълуди тамам ар1ура. Мицир бал`инди ихъ улкек уткан ву.

Ихъ ахъю абириин гъунарап гъи ихъ жигъилари давам ар1ура. Дурарин гъунарап ихъ наслари к1ваълан гвархидар. Гъйт ихъ жигъиларииз чи тамам ар1урайи ляхниш хъуркувалар ишри, ислэгээн халкъар нацистарихъан урхюз, нацистар т1анкъ ар1уз дурариз кюмек ибши. Хъа, узуз Мягъямед Сирајутдинович сагъвал, хъуркувалар, ислэгъвал ва гафсаевал хъуб ккун ар1ура.

Мягъямед Керимов чан хизандихъди Мягъячъялайи шагърий яшамиш шула. Мугъз хипир ва къюриш а. Ляхнихъан азад вахт ккабхъубси, му дурарин улукъуз гъюру, гъюз шулдарш, зенг ар1ури, адру-даруб гъерху. Мугъу чан хиприз гъамци к1ури: «Узу Ватан убхюз узхъан шлуб вары ар1ураза, гъийихъантинара ар1идиза. Ав, ииз хизандин гъайгъушнайра хъидиза. Хъа ккуни вахтна хизандин гъайгъушнайра хъайи-хъайбиси тамам ар1уз узуз мумкинвал шулдар. Читинвал гъабхъиш, ииз дадайиз иип. Думу варидин гъаврий айи, варидиз чахъан шлу кюмек ар1уз гъязурди вуйи гъайгъудар дишагъы, халис Дада ву». Мягъямедди ич улхбай узкан, чан дада Жарият газатдин машнаан дадайнин Йигъахъди тебрик ар1ури, гъамцдар гафар дик1уб ккун гъап1ний.

«Узу ич хизанди варидиз ккуни, вариди варидаризт1ан гизаф гъюрат ар1ури 11-пи велед вуза. Суткайн арайіл йиз дадай, чвир-чир, хизанди, гъарури саб ражну зенг гъап1иган, гъулаш дуфну къяляхъ гъушубси шулзуз. Ав, дураринра гъаврий аза. Спецоперацияйи ииз айвали, дурарин к1ваз азаба ка. Йиз багъри, варит1ан ккуни, узуз умур туву, гъи ахъю дуихназра, ииз гъайгъушнай айи дада. Узу ярхи, шаду, гизаф ужувлар айи, дердер адру, бахтлу умур туври. Учу ув`инди дамах ар1ура. Увусир дада хъайи учу, яв веледар, шад вучу, яв дадавалин машкварра тебрик ар1ураза».

Дадайнин Йигъахъди ухъура Жарият Керимова, ихъ райондин вариди дадайр төбөрик ар1ури, дурариз жандын мюгъкам сагъвал, к1ван шадвал, чинин багъридарин терефнаан гъюрат хъувал ккун ар1ура. Гъйт ихъ дадайрин улары гъаммишан анжак шадвалин нивгъар ишри.

**Угълангерек
АБДУЛКЕРИМОВА,
отделин редактор.**

Шиклары: Жарият ва Мягъямед Керимовар.

Обсудили насущные проблемы СП «сельсовет Хили-Пенджикский»



В сельских поселениях района продолжаются сходы жителей с участием главы района Магомеда Курбанова. 16 ноября этого года глава района участвовал в сходе жителей СП «сельсовет Хили-Пенджикский».

Помимо собравшихся жителей СП «сельсовет Хили-Пенджикский» в обсуждении насущных проблем поселения приняли участие работники администрации района и муниципального Собрания депутатов, руководители организаций и учреждений, представители районных общественных организаций.

около 1 миллиона рублей транспортного налога, а потрачено на поддержание внутрисельских дорог почти 3 миллиона рублей. При этом долги жителей поселения по этому виду налога превышают 800 тыс. рублей. А общие затраты на реализацию различных проектов составляют 28 млн рублей.

После завершения доклада глава района ответил на вопросы жителей Хили-Пенджика, которые они считают важными для развития поселения. Среди наиболее насущных - снабжение водой надгорного микрорайона Хили, необ-

ходимость строительства нового здания ФАП, проведение капитального ремонта детского сада «Ласточка» и выделение для него новой мебели, ремонт дороги между микрорайонами Пенджик и Хили.

Еще одна проблема носит геологический характер. Нависающая над дорогой Дербент-Хучни на выезде из села скала в настоящее время треснула и, по словам жителей, в любой момент может рухнуть, повредив и саму дорогу, и проходящие вдоль нее коммуникации. Мимо нее пролегает и путь на сенокосные пастбища. Магомед Курбанов поручил заместителю председателя Собрания депутатов района Яшару Абдулову создать комиссию совместно с работниками ГО ЧС и по итогам осмотра скалы со специалистами найти наиболее оптимальное решение проблемы.



Открывая сход, Магомед Курбанов рассказал о проделанной за последние годы в районе работе. Что касается непосредственно селения Хили-Пенджик, то удалось отремонтировать местный сельский Дом культуры, построить мини-футбольное поле с качественным покрытием и освещением, в настоящее время проходит капитальный ремонт здания Хили-Пенджикской СОШ, который планируется завершить до конца года. Глава района сообщил, что за 4 года удалось собрать в СП

ходимость строительства нового здания ФАП, проведение капитального ремонта детского сада «Ласточка» и выделение для него новой мебели, ремонт дороги между микрорайонами Пенджик и Хили.

Длина дороги между Пенджиком и Хили длиной почти 2 километра и проходит по склону горы. Глава района сказал, что при условии выполнения сбора плановых показателей по транспортному налогу (200 тыс. рублей) власти муниципалитета готовы выделить

А. ИСАЕВ.

Фото Н. РАГИМОВА.

Уроженец Табасаранского района проводит экскурсии для посетителей выставки-форума «Россия»

В рамках выставки-форума «Россия» на ВДНХ в Москве гид из Дагестана Алим Гюлев проводит экскурсии для посетителей форума. С 11 по 21 ноября в павильоне

№ 75 Алим Гюлев будет рассказывать о достижениях регионов России, в том числе и Дагестана.

Отметим, что ранее он проводил онлайн-экскурсии,

во время которых читал лекции про воина-поэта XVIII в. Мирзу Калукского и достопримечательностях Табасарана.

(Из СМИ).

Отремонтируют участок дороги, соединяющий Табасаранский и Хивский районы

Как сообщил глава Табасаранского района Магомед Курбанов, в муниципалитете планируется капитальный ремонт автомобильной дороги Дербент - Хучни - Хив на участке 43 км - 50 км. Разработка проектно-сметной документации по объекту уже выставлена на торги. 8 декабря планируется определить подрядчика для подготовки ПСД капремонта данного отрезка дороги, который ведет из Хучни в Хив и соединяет два района - Табасаранский и Хивский.

«Развитие дорожной инфраструктуры неотвратимо ведет за собой и развитие других отраслей. Так, например, повышается доступность муниципалитета, а вместе с ним и привлекательность района для инвесторов – следовательно растут их вложения в район.

Понимая значимость этого участка дороги, министерство транспорта и дорожного хозяйства республики выделило средства на проектирование.

Когда будет разработана проектно-сметная документация, получено положительное заключение государственной экспертизы, начнется строительство дороги. Последовательно будут отремонтированы и другие участки», - прокомментировал Магомед Курбанов.

(Из СМИ).

Шаирин 75 йис хъпаз бахш вуди



(Эвел 2-пи машинаь.) гвач1нин», Умрин гъар», «Хъадукран мархъ» ва жара хайлин китабар чиб-чиликъди чапдиан удуч1вну.

Шаирин яратмиш ап1барин темийр жюрбекюрдар



ри юрдарикан, дугъри-суваликан ва жарабдикан гъибик1ну. Бабахна вуйи ккуниваликан Юсуфди чан шиърий лап дериндиан дупна. Юсуф Базутаев ихь арайиь имдарди хайлин йисар гъушнушара, мугъян яратмишари му гъарган ухъухъди гъитра. Мугъу чан ап1уз ккимбуб, пуз ккимбуб шиърий дупна. **Фарзилат РАЖАБОВА,** отделин редактор. **Н. РЯГИМОВДИ** гъиву шиклар.

Ужур мялим ва жамяльтлугъ кас

Фунур касдинра чан сарпи мялимдикан вуйи фикрар гъярандиз, ужур инсандинканси, альюваларин рякъю ау касдинканси, къваниди гъузру. Гъацдар мялимарикан сар Хуст1ларин къялан мектебдин кергъбан классарин мялим Альиев Мягъмуд Альзовичра ву. Улихна йигъари Т1ивак гъулан СП-ийз дахил шулай гъуларин альалирихъди сход к1ули гъубшний. Сходдин альириз жамяльтлугъ ляхнари ужуб активвал улупру, фунуб ляхин тамам ап1урушра, ляхниди, гафниндига жара дақатарииндига кюмек тувру, инсанарин арайи гъюмат гъазанмиш дап1найи, чин пишекарвалин ляхин намуслуди тамам ап1ру саб жерге альалир «Табасаран район» МР-ин Глава Мягъимед Къурбановди администрацияин терефнаан Гъюматнан грамотирихъди, Чухсагъулун кагъзарихъди



лишанлу гъап1ний. Гъадрин арайи Хуст1ил гъулан альали, гъулан мистан имам, Хуст1ларин къялан мектебдин кергъбан классарин мялим Мягъмуд Альиевра айи.

Мягъмуд Альзович Альиев, Хуст1ларин къялан мектеб ккудубк1ну, 1991-пи йисан Мягъячъала шагыри Дагъустандин исламдин

иститутдиль урхуз уч1вну, гъадму йисан Ростов шагыри госпедуниверситетдильра урхуз уч1вну, 1995-пи йисан кергъбан классарин факультет ккудубк1ну. Педуниверситет ккудубк1у жигъил пишекар гъадму йисан багъри гъулан къялан мектебдиль кергъбан классарин мялимди лихуз хъюгъну.

Учв лихуз хъюгъю садпи йигъланмина мугъу хъуб выпуск деетну. К1уруганси, шибрит1 ижими дивиш, душ`ин цалра ижмид шулу. Гъаци ву мектебдин ляхина. Сабпи классдиан хъюгъну, мялимди улупу альюваларилан, туву тербияилан ихъ насларин гележегра аслиллу ву. Хъа Мягъмуд мялим чахъ урхурай баяр-шубарин к1вахъна вуйи рякъ алью, тербияйин гъякъанаан к1уруш, гъарган гъайгъушнаа айир ву. Мягъмуд Альзовичдан мугъахъди хайлин йисари ляхин ап1урай Гъямыд Керимовди ва Асият Ибрахимовай гъамци гъап1ний: «Мягъмуд Альзович чан ляхин лап дериндан алью дап1найи мялим ву. Чан ляхнихъан, чахъ урхурайдари хъан гизаф юк1в убгур, биц1идари хъдира, ляхнин юлдшари хъдира, айир-бабарихъдира гафч1ал ап1уз, к1урубдихъ хъпехъуз алью»

Мектеб ккудубк1у выпускникин кар мугъахъна гъарган ахю гъюмат ади янашиш шулу, альакъа убхюру. Мугъахъ урхури гъахъдари кан гизафдари мугъан умудар тамам гъап1ну. Мугъахъди ляхин ап1урай ляхнин юлдшари, мектебдин дирекцияи мугъан зегъметназ ва инсанвализ ужуб кымат тувру, гъюмат ап1ур. Жамяльтди тамам ап1ру гъарсаб жамяльтлугъ ляхнинра му улихъ шулу. Дици вуйивали мугъу жамяльтдира ахю гъюмат гъазанмиш дап1на».

Жигъил наслиз ужудар альювалар ва тербия тувуз Мягъмуд Альзовичдиз гележедири жандин мюгъкам сагъвал, к1ван шадвал, ляхни хъуркъувалар ишри.

Фарзилат РАЖАБОВА.

Шикли: райондин глава М. Къурбановди М. Альиев Гъюматнан грамотайихъди лишанлу ап1ури.

Н. РЯГЬИМОВДИ
гъиву шикли.

Биц1идариз - ахю пешкеш



валикан, думу ужувлан ва

ляхин гележедири давам ап1руваликан гъап1ний. Хъа

машинарин ачар Мягъимед Къурбановди Мягъячъарин,

Рушвларин ва Гум`арин мектебарин кергъбан классарий урхурай баяр-шубарихъна тувний ва гъап1ний: «Учвуз му ц1ийи машинар мубарак ишри! Къордун мич1ли, хъадукран, чвлин мархъар ургъру вахтна мич1лишнахъан ва мархълихъан урхюз му машинари ахю кюмек тувди. Учвудар сар ужуй алью ап1уз, учвакан лайикъу инсанар хъпан бадали, учу учхъан шлу варии кюмекар ап1уз гъязур вуча, учвудар альювалар гъадагъуз зегъмет зигай. Биц1идар гъахуз албагнайи думу автобусар хат1асувал убхан т1алабариз жаваб туврудар, рягъятвал айидар ву. Мурав ухъуз «Образование» нацпроектдин кюмекниинди тувна».

Фарзилат РАЖАБОВА.

Нуруллагъ РЯГЬИМОВДИ
гъиву шикли.

Хъуркъуалихъди, Мягъимед!



ийшв бадали блиц-приздин ийшв гъадабъну. Гъалиб гъахъи ва приздин ийшвар гъазанмиш гъап1у спортсменар тешкилатчирин терефнаан

кубкийрихъди, медаларихъди, Гъюматнан грамотирихъди ва кыматту пешкешарихъди лишанлу гъап1ну.

Дүпнү ккундуки, Ватандин

Ахю дявдиль Гъалибвалин 76 йис тамам хъпаз тялукъ вуди, ихъ райондин 2021-пи йисан майдин 2-диан-9-диз «Табасаран район» МР-ин Главайн приздин к1ули гъушу спортдин талитарий шахматариан думуган 4-пи классдиль урхурай Мягъимед Мукаиловди 9 партийи гъаливал гъазанмиш ап1бииндига варии мугътал ва 1-пи ийшв гъазанмиш гъап1ний.

Ихъ живан спортсмен думу хъуркъуалихъди тебрик ап1ури, гележедири дугъаз спортдин хъана ягъли к1ак1ар мют1югъ ап1уб ккун ап1урахъя.

Фарзилат

РАЖАБОВА.

Шикли: арчлахъан гагвлахънди къюпир Мягъимед Мукаилов.

Спорт

Хайрлупасыгъят

Гъушариз
гъарпуз тувну
ккунду

Гъарпуз гизаф ициб ва дарман кайи набататарикан саб ву, гъадлиз думу набатат пеэриза тувуз ужуб ву, гъарпузик витаминар, лазим вуйи микроэлементар ка. Думу набататди гъушарин ифи, юк1в ужуди лихуз гъитру. Кархъуз ккуни даттаризра думу тувуб ужуб ву, гъаз гъап1иш думу набататди дураг сикин ап1ури. Гъарпзи пеэрин шаар хъуз гъитурдар ва к1ару лик1ра ужуди марцц ап1ури, гъадлиз гъушариз гъарпуз тувну ккунду.

(СМИ-ийан гъязур
гъап1ур
у. Къурбанова).

